


বিবিধ—কাব্য

মাইকেল মধুসূদন দত্ত

সম্পাদক :

ব্রজেন্দ্রনাথ বন্দ্যোপাধ্যায়

শ্রীসজনীকান্ত দাস



বঙ্গীয়-সাহিত্য-পরিষৎ

২৪৩১, আপার সারকুলার রোড

কলিকাতা—৬

প্রকাশক
শ্রীসনৎকুমার গুপ্ত
বঙ্গীয়-সাহিত্য-পরিষৎ

প্রথম সংস্করণ—ফাল্গুন, ১৩৪৭
দ্বিতীয় সংস্করণ—অগ্রহায়ণ, ১৩৫০
তৃতীয় সংস্করণ—আষাঢ়, ১৩৫৪
চতুর্থ সংস্করণ—মাঘ, ১৩৬২

বার আনা

মুদ্রাকর
শ্রীঅজিতকুমার বসু
২৭।৩বি, হরি ঘোষ ষ্ট্রাট, শক্তি প্রেস, কলিকাতা—৬

ভূমিকা

মধুসূদনের সাহিত্য জীবন নানা কারণে নানা ভাবে খণ্ডিত ও বাধাগ্রস্ত হইয়াছিল। চিঠিপত্রে প্রকাশিত তাঁহার বহুবিধ সঙ্কল্প, পরিণামে সেগুলির বিফলতা এবং তাঁহার বিবিধ অসম্পূর্ণ কাব্য ও কবিতায় তাঁহার প্রমাণ পাওয়া যায়। তিনি নানা সময়ে বিশেষ উৎসাহের সঙ্গে অনেকগুলি কাব্য ও কবিতা রচনা আরম্ভ করিয়াছিলেন, কিন্তু শেষ করিতে পারেন নাই। এই অসম্পূর্ণ কাব্যগুলির মধ্যে তাঁহার ‘বীরাজনা কাব্য’ ও নীতিগর্ভ কবিতাবলীই আমাদের বিশেষ আকর্ষণের কারণ হইয়া আছে। বর্তমান সংস্করণ গ্রন্থাবলীর এই বিবিধ খণ্ডটি কবি মধুসূদনের বিরাট্ সম্ভাবনার ও বিপুল নৈরাশ্যের নিদর্শন।

এই বিক্ষিপ্ত কবিতা ও কাব্যাংশগুলি আমরা নানা স্থান হইতে সংগ্রহ করিয়াছি। কবির জীবিতকালে বিভিন্ন সাময়িক-পত্রে ইহাদের কয়েকটি মাত্র প্রকাশিত হইয়াছিল; বাকিগুলি তাঁহার মৃত্যুর পরে সাময়িক-পত্রে বা জীবন-চরিতে প্রকাশিত হইয়াছে। একই কবিতার কোন কোন স্থানে দুইরূপ পাঠ পাওয়া গিয়াছে; আমরা নিজেদের বুদ্ধিমত পাঠ গ্রহণ করিয়াছি। কয়েকটি অসম্পূর্ণ কবিতা মধুসূদনের ‘চতুর্দশপদী কবিতাবলী’র ১ম সংস্করণের (ইং ১৮৬৬) পরিশিষ্টে “অসমাপ্ত কাব্যাবলি” নামে বাহির হইয়াছিল। দীননাথ সাখ্যাল-সম্পাদিত ‘চতুর্দশপদী কবিতাবলী’র শেষে একটি অপ্রকাশিত-পূর্ব কবিতা আছে। আমরা এই খণ্ডে এই সকলগুলিই একত্র সন্নিবিষ্ট করিলাম। “বর্ষাকাল” ও “হিমঋতু” কবির বাল্যরচনা। কবিতাগুলিকে যত দূর সম্ভব, কালানুক্রমিক সাজাইবার চেষ্টা করিয়াছি। যে যে স্থান হইতে কবিতাগুলি সংগৃহীত, নিম্নে তাহার নির্দেশ দিলাম—

বর্ষাকাল, হিমঋতু — ‘জীবন-চরিত’, যোগীন্দ্রনাথ, পৃ. ১০০-১

রিজিয়া — ই পৃ. ৬৭৮-৮০

কবি-মাতৃভাষা — ই পৃ. ৪৭৭

আত্ম-বলাপ—তত্ত্ববোধিনী পত্রিকা, ১৭৮৩ শক, আশ্বিন

বঙ্গভূমির প্রতি—সোমপ্রকাশ, ১৬ জুন, ১৮৬২

ভারত-বৃত্তান্ত : শ্রৌপদীস্বয়ম্বর—প্রবাসী, ভাদ্র ১৩১১

মৎস্তগন্ধা—আর্য্যদর্শন, ফাল্গুন ১২২০, পৃ. ২৮৮

হৃত্তজা-হরণ—চতুর্দশপদী কবিতাবলী, ১ম সংস্করণ, পৃ. ১০১-৪

নীতিগর্ভ কাব্য :

ময়ূর ও পৌরী	ঐ	পৃ. ১১৪-৬
কাক ও শৃগালী	ঐ	পৃ. ১১৭-৮
রসাল ও স্বর্ণলতিকা	ঐ	পৃ. ১১৮-২২
অখ ও কুরঙ্গ — 'জীবন-চরিত'		পৃ. ৫২৪
দেবদৃষ্টি—চিকিৎসাতত্ত্ব-বিজ্ঞান এবং সমীক্ষণ, ১৩০১ সাল, পৃ. ৩৮৫		
গদা ও সদা — প্রবাসী, আশ্বিন ১৩১১,		পৃ. ২২৪-৫
কুরুট ও মণি—চতুর্দশপদী, দীননাথ,		পৃ. ২৮
সূর্য ও মৈনাক-গিরি	ঐ	পৃ. ২২-১০১
মেঘ ও চাতক	ঐ	পৃ. ১০২-৪
পীড়িত সিংহ ও অস্তান্ত পশু	ঐ	পৃ. ১০৫-৬
সিংহ ও মশক	ঐ	পৃ. ২৫-৭

ঢাকাবাসীদের অভিনবনের উত্তরে — 'জীবন-চরিত' পৃ. ৬-৬-৭

পুঙ্কলিয়া — জ্যোতিরিন্দ্র, এপ্রিল ১৮৭২, পৃ. ১১৭

পরেশনাথ গিরি — আর্য্যদর্শন, আষাঢ় ১২৮১, আশ্বিন ১২২১

কবির ধর্মপুত্র — জ্যোতিরিন্দ্র, নবেম্বর ১৮৭২, পৃ. ৪০

পঞ্চকোট গিরি — 'মধু-স্মৃতি', নগেন্দ্রনাথ

পঞ্চকোট রাজশ্রী

পঞ্চকোট-গিরি বিদায়-সঙ্গীত

সমাধি-লিপি — 'জীবন-চরিত' পৃ. ৬৩২

পাণ্ডব-বিজয় — আর্য্যদর্শন, আষাঢ় ১২২১

দুর্যোধনের মৃত্যু

সিংহল-বিজয়

হতাশা-পীড়িত রুদ্রের দুঃস্বপ্ননি

দেবদানবীরম্

জীবিতাবহায় অনাদৃত কবিগণের সঙ্কে—প্রবাসী, ভাদ্র ১৩১১

পশ্চিমবঙ্গের শ্রীযুক্ত ঈশ্বরচন্দ্র বিজ্ঞানাগর

সূচীপত্র

বর্ষাকাল	...	৩
হিমঝড়	...	৩
রিজিয়া	...	৪
কবি-মাতৃভাষা	...	৬
আত্ম-বিলাপ	...	৬
বঙ্গভূমির প্রীতি	...	৯
ভারত-বৃত্তান্ত : দ্রৌপদীস্বয়ম্বর	...	১০-১১
মৎস্যগন্ধা	...	১২
সুভদ্রা-হরণ	...	১৩
নীতিগর্ভ কাব্য :		
ময়ূর ও গৌরী	...	১৫
কাক ও শৃগালী	...	১৭
রসাল ও স্বর্ণ-লতিকা	...	১৮
অশ্ব ও কুরঙ্গ	...	২১
দেবদৃষ্টি	...	২৪
গদা ও সদা	...	২৫
কুকুট ও মণি	...	২৯
সূর্য্য ও মৈনাক-গিরি	...	২৯
মেঘ ও চাতক	...	৩২
পীড়িত সিংহ ও অশ্বাস্ত্র পশু	...	৩৪
সিংহ ও মশক	...	৩৫
ঢাকাবাসীদিগের অভিনন্দনের উত্তরে	...	৩৭
পুরুলিয়া	...	৩৭
পরেশনাথ গিরি	...	৩৮
কবির ধর্মপুত্র	...	৩৯

মধুসূদন-গ্রন্থাবলী

পঞ্চকোট গিরি	...	৭৯
পঞ্চকোটস্থ রাজক্ৰী	...	৪০
পঞ্চকোট-গিরি বিদায়-সঙ্গীত	...	৪১
সমাধি-লিপি	..	৪১
পাণ্ডববিজয়	...	৪২
ছর্য্যোথনের মৃত্যু	...	৪২
সিংহল-বিজয়	..	৪৫
হতাশা-পীড়িত হৃদয়ের ছঃখধ্বনি	...	৪৬
দেবদানবীয়ম্	...	৪৭
জীবিতাবস্থায় অনাদৃত কবিগণের সম্বন্ধে	...	৪৭
পণ্ডিতবর শ্রীযুক্ত ঈশ্বরচন্দ্র বিজ্ঞানাগর	...	৪৮

বর্ষাকাল

গভীর গর্জন সদা করে জলধর,
উথলিল নদনদী ধরণী উপর ।
রমণী রমণ লয়ে, সুখে কেলি করে,
দানবাদি, দেব, যক্ষ সুখিত অস্তুরে ।
সমীরণ ঘন ঘন ঝন ঝন রব,
বরুণ প্রবল দেখি প্রবল প্রভাব ।
স্বাধীন হইয়া পাছে পরাধীন হয়,
কলহ করয়ে কোন মতে শাস্ত্র নয় ॥

হিমঋতু

হিমস্তুর আগমনে সকলে কম্পিত,
রামাগণ ভাবে মনে হইয়া দুঃখিত ।
মনাশুনে ভাবে মনে হইয়া বিকার,
নিবিল প্রেমের অগ্নি নাহি জ্বলে আর ।
ফুরায়েছে সব আশা মদন রাজার
আসিবে বসন্ত আশা—এই আশা সার ।
আশায় আশ্রিত জনে নিরাশ করিলে,
আশাতে আশার বশ আশায় মারিলে ।
সৃজিয়াছি আশাতরু আশিত হইয়া,
নষ্ট কর হেন তরু নিরাশ করিয়া ।
যে জন করয়ে আশা, আশার আশ্বাসে,
নিরাশ করয়ে তারে কেমন মানসে ॥

রিজিয়া

তা বিধি, অধীর আমি ! অধীর কে কবে,
এ পোড়া মনের জ্বালা জুড়াই কি দিয়া ?
হে স্মৃতি, কি হেতু যত পূর্বকথা কয়ে,
দ্বিগুণিছ এ আগুন, জিজ্ঞাসি তোমারে !
কি হেতু লো বিষদন্ত ফণিরূপ ধরি,
মুহুমুহু দংশ আজি জর্জরি হৃদয়ে ?
কেমনে, লো ছুঁটা নারি, ভুলিলি নিষ্ঠুরে
আমায় ? সে পূর্ব সত্য, অঙ্গীকার যত,
সে আদর, সে সোহাগ, সে ভাব কেমনে
ভুলিল ও মন তোর, কে কবে আমারে ?
হায় লো সে প্রেমাকুর কি তাপে শুকাল ?
এ হেন সুবর্ণ-দেহে কি স্মৃথে রাখিলি
এ হেন ছরস্তু আত্মা, রে ছুরাত্মা বিধি !
এ হেন সুবর্ণময় মন্দিরে স্থাপিলি
এ হেন কু-দেবতারে তুই কি কৌতুকে ?
কোথা পাব হেন মন্ত্র যার মহাবলে
ভুলি তোর, ভূত কাল, প্রমত্ত যেমতি
বিশ্বরে (সুরার তেজে, যা কিছু সে করে)
জ্ঞানোদয়ে ? রে মদন, প্রমত্ত করিলি

যোগীন্দ্রনাথ বসুর 'জীবন-চরিতে' প্রকাশ :—“হলতানা রিজিয়া সত্রাটু আলতামাসের
দ্রুহিতা এবং কৃতবুদ্ধীনের দৌহিত্রী ছিলেন।...মুসলমান নরনারীগণের চরিত্রে বসুস্ত-প্রকৃতির
কঠোর ভাব প্রকাশিত করিবার অধিকতর সুযোগ প্রাপ্ত হইবার আশায় বধুহৃদয় রিজিয়া মাটক
আরম্ভ করিয়াছিলেন।... রিজিয়ার পাণ্ডুলিপির দুই একটি খণ্ডিত পৃষ্ঠা আমাদেরিগের হস্তগত হইয়াছে।
তাছা হইতে একটি স্বগত অংশ উদ্ধৃত হইল। রিজিয়ার বাগ্‌দত্ত স্বামী আলটুনিয়া, রিজিয়ার অসং
ব্যবহারে ব্যথিত হইয়া, বলিতেছিলেন :—”

বিবিধ : রিজিয়া

মোরে প্রেম মদে তুই ; ভুলা তবে এবে,
ঘটিল যা কিছু, যবে ছিন্ন জ্ঞান-হীনে ।
এ মোর মনের ছুঃখ কে আছে বুঝিবে ?
বক্ষুমাত্র মোর তুই, চল্ সিন্দুদেশে,
দেখিব কি থাকে ভাগ্যে ! হয়ত মারিব,
এ মনাগ্নি নিবাইব ঢালি লছ-স্রোতে,
নতুবা, রে মৃত্যু, তোর নীরব সদনে
ভুলিব এ-মহাজ্জালা—দেখিব কি ঘটে !
কি কাজ জীবনে আর ! কমল বিহনে
ডুবে অভিমানে জলে মৃগাল, যতপি
হরে কেহ শিরোমণি, মরে ফণী শোকে ।
চূড়াশূন্য রথে চড়ি কোন্ বীর যুঝে ?
কি সাধ জীবনে আর ? রে দারুণ বিধি,
অমৃত যে ফলে, আজ বিষাক্ত করিলি
সে ফলে ? অনন্ত আয়ুদায়িনী সুধারে
না পেয়ে, কি হলাহল লভিন্ন মথিয়া
অকুল সাগরে, হায় হিয়া জ্বালাইতে ?
হা ধিক্ ! হা ধিক্ তোরে নারীকুলাধমা !
চণ্ডালিনী ব্রহ্মকুলে তুই পাপীয়সী,
আর তোর পোড়া মুখ কভু না হেরিব,
যত দিন নাহি পারি তোর যমরূপে
আক্রমিতে রণে তোরে বীর পরাক্রমে !
ভেবেছিন্ন লয়ে তোরে সোহাগে বাসরে
কত যে লো ভালবাসি কব তোর কানে,
বায়ু যথা ফুলদলে সায়ংকালে পেয়ে
কাননে । সে প্রেমাশায় দিন্ন জলাঞ্জলি ।
সে সুবর্ণ আশালতা তুই লো নিষ্ঠুরা

দাবানল-শিখারূপে নিষ্ঠুরে পোড়ালি !
পশ্ রে বিবরে তোর, তুই কাল ফণী ।

কবি-মাতৃভাষা

নিজাগারে ছিল মোর অমূল্য রতন
অগণ্য ; তা সবে আমি অবহেলা করি,
অর্থলোভে দেশে দেশে করিহু ভ্রমণ,
বন্দরে বন্দরে যথা বাগিজ্যের তরী ।
কাটাইহু কর্ত কাল সুখ পরিহরি,
এই ব্রতে, যথা তপোবনে তপোধন,
অশন, শয়ন ত্যজে, ইষ্টদেবে স্মরি,
তঁাহার সেবায় সদা সঁপি কায় মন ।
বঙ্গকুল লক্ষ্মী মোরে নিশার স্বপনে
কহিলা—“হে বৎস, দেখি তোমার ভকতি,
সুপ্রসন্ন তব প্রীতি দেবী সরস্বতী !
নিজ গৃহে ধন তব, তবে কি কারণে
ভাখারী তুমি হে আজি, কহ ধন-পতি ?
কেন নিরানন্দ তুমি আনন্দ-সদনে ?”

আত্ম-বিলাপ

১

আশার ছলনে ভুলি কি ফল লভিহু, হায়,
তাই ভাবি মনে ?
জীবন-প্রবাহ বহি কাল-সিন্ধু পানে যায়,
ফিরাব কেমনে ?

বাকী কি রাখিলি তুই বুধা অর্থ অশ্বেষণে,
সে সাধ সাধিতে ?

ক্ষত মাত্র হাত তোর মৃগাল-কণ্টকগণে
কমল তুলিতে !

নারিলি হরিতে মণি, দংশিল কেবল ফণী !
এ বিষম বিষজ্বালা ভুলিবি, মন, কেমনে !

৬

যশোলাভ লোভে আয়ু কত যে ব্যয়িলি হায়,
কব তা কাহারে ?

সুগন্ধ কুসুম-গন্ধে অন্ধ কীট যথা ধায়,
কাটিতে তাহারে,—

মাৎসর্য্য-বিষদশন, কামড়ে রে অনুক্ষণ !
এই কি লভিলি লাভ, অনাহারে, অনিদ্রায় ?

৭

মুকুতা-ফলের লোভে, ডুবে রে অভল জলে
যতনে ধীর,

শতমুক্তাধিক আয়ু কালসিদ্ধ জলতলে
ফেলিস্, পামর !

ফিরি দিবে হারাধন, কে তোরে, অবোধ মন,
হায় রে, ভুলিবি কত আশার কুহক-ছলে !

বঙ্গভূমির প্রতি

“My native Land, Good night !”—Byron.

রেখে, মা, দাসেরে মনে, এ মিনতি করি পদে ।

সাধিতে মনের সাদ,

ঘটে যদি পরমাদ,

মধুহীন করো না গো তব মনঃকোকনদে ।

প্রবাসে, দৈবের বশে,

জীব-ভারা যদি খসে

এ দেহ-আকাশ হতে,— নাহি খেদ তাহে ।

জন্মিলে মরিতে হবে,

অমর কে কোথা কবে,

চিরস্থির কবে নীর, হায় রে, জীবন-নদে ?

কিন্তু যদি রাখ মনে,

নাহি, মা, ডরি শমনে ;

মন্ডিকাও গলে না গো, পড়িলে অমৃত-হৃদে ।

সেই ধন্য নরকূলে,

লোকে যারে নাহি ভুলে,

মনের মন্দিরে সদা সেবে সর্বজন ;—

কিন্তু কোন্ গুণ আছে,

যাচিব যে তব কাছে,

হেন অমরতা আমি, কহ, গো, শ্রামা জন্মদে !

তবে যদি দয়া কর,

ভুল দোষ, গুণ ধর.

অমর করিয়া বর দেহ দাসে, সুবরদে !—

ফুটি যেন স্মৃতি জলে,

মানসে, মা, যথা ফলে

মধুময় তামরস কি বসন্ত, কি শরদে ।

ভারত-বৃত্তান্ত

দ্রৌপদী-স্বয়ম্বর

VERSAILLES.

9th. September, 1863.

কেমনে রথীন্দ্র পার্থ স্ববলে লভিলা
পরাতর্ষি রাজবৃন্দে চারুচন্দ্রাননা
কৃষ্ণায়, নবীন ছন্দে সে মহাকাহিনী
কহিবে নবীন কবি বঙ্গবাসী জনে,
বান্দেবি ! দাসেরে যদি কৃপা কর তুমি ।
না জানি ভকতি স্তুতি, না জানি কি ক'রে
আরাধি হে বিশ্বারাধ্যা তোমায় ; না জানি
কি ভাবে মনের ভাব নিবেদি ও পদে ।
কিন্তু মার প্রাণ কভু নারে কি বুকিতে
শিশুর মনের সাধ, যদিও না ফুটে
কথা তার ? উর তবে, উর মা, আসরে ।
আইস মা এ প্রবাসে বঙ্গের সঙ্গীতে
জুড়াই বিরহজ্বালা, বিহঙ্গম যথা
রঙ্গহীন কুপিঞ্জরে কভু কভু ভুলে
কারাগারস্থ সাধি কুঞ্জবনস্বরে ।
সত্যবতীসতীশুভ, হে গুরু, ভারতে
কবিতা-সুধার সরে বিকচিত চির
কমল দ্বিতীয় তুমি ; কৃতাজলিপুটে
প্রণমে চরণে দাস, দয়া কর দাসে ।
হায় নরাধম আমি ! ডরি গো পশিতে
যথায় কমলাসনে আসীনা দেউলে
ভারতী ; তেই হে ডাকি দাঁড়ানে ছয়ানে,
আচার্য্য । আইস শীঘ্র দ্বিজোত্তম সুরি ।

দাসের বাসনা, ফুলে পূজি জননীরে,
বর চাহি দেহ ব্যাস, এই বর মাগি ।

গভীর সুড়ঙ্গপথে চলিলা নীরবে
পঞ্চ ভাই সঙ্গে সতী ভোজেন্দ্রনন্দিনী
কুন্তী ; স্বরচিত-গৃহে মরিল দুর্মতি
পুরোচন ; * * *

দ্রৌপদীস্বয়ম্বর

কেমনে রথীন্দ্র পার্থ পরাভবি রণে
লক্ষ রণসিংহ শূরে পাঞ্চাল নগরে
লভিলা দ্রুপদবালা কৃষ্ণা মহাধনে,
দেবের অসাধ্য কর্ম সাধি দেববরে,—
গাইব সে মহাগীত । এ ভিক্ষা চরণে,
বাগ্‌দেবি ! গাইব মা গো নব মধুস্বরে,
কন্ন দয়া, চিরদাস নমে পদাসুজ্ঞে,
দয়ার আসরে উর, দেবি খেতভুজ্ঞে !

* * *

বিধিলা লক্ষ্যেরে পার্থ, আকাশে অঙ্গুরী
গাইল বিজয়গীত, পুষ্পবৃষ্টি করি
আকাশসম্ভবা দেবী সরস্বতী আসি
কহিলা এ সব কথা কৃষ্ণারে সম্ভাষি ।

লো পঞ্চালরাজসুতা কৃষ্ণা গুণবতি,
ত্বব শ্রেষ্ঠি সুপ্রসন্ন আজি প্রজাপতি ।
এত দিনে ফুটিল গো বিবাহের ফুল ।
পেয়েছ সুন্দরি ! স্বামী ভুবনে অতুল ।
চেন কি উহারে উনি কোন্ মহামতি,
কত গুণে গুণবান্ জানো কি লো সতি ?

না চেনো না জানো যদি স্তন দিয়া মন,
 ছন্নবেশী উনি ধনি, নহেন ব্রাহ্মণ ।
 অত্যাচ ভারতবংশশিরে শিরোমণি
 কুস্তীর হৃদয়নিধি বিখ্যাত ফাস্তনি ।
 ভস্মরাশি মাঝে যথা লুপ্ত হতাশন
 সেইরূপ ক্ষত্রভেজ আছিল গোপন ।
 আগ্নেয়গিরির গর্ভ করি বিদারণ
 যথা বেগে বাহিরয় ভীম হতাশন,
 অথবা ভেদিয়া যথা পুরব গগন
 সহসা আকাশে শোভে জ্বলন্ত তপন,
 সেইরূপ এতদিনে পাইয়া সময়,
 লুপ্ত ক্ষত্রভেজ বহি হইল উদয় ।

মৎস্তগঙ্গা

চেয়ে দেখ, মোর পানে, কলকল্লোলিনি
 যমুনে ! দেখিয়া, কহ, শুনি ভব মুখে,
 বিধুমুখি, আছে কি গো অখিল জগতে,
 ছাঃখিনী দাসীর সম ? কেন বে সৃষ্টিলা,—
 কি হেতু বিধাতা, মোরে, বৃকিব কেমনে ?
 তরুণ যৌবন মোর ! না পারি লড়িতে
 পোড়া নিতম্বের ভরে ! কবরীবন্ধন
 খুলি যদি, পোড়া চুল পড়ে ভূমিতলে !
 কিন্তু, কে চাহিয়া কবে দেখে মোর পানে ?
 না বসে গুঞ্জরি সখি, শিলীমুখ যথা
 খেতাস্বরা ধুতুরার নীরস অধরে,
 হেরি অভাগীরে দূরে ফিরে অধোমুখে
 যুবকুল ; কাঁদি আমি বসি লো বিরলে !

সুভদ্রা-হরণ

প্রথম সর্গ

কেমনে ফাস্তুনি শূর স্বপুণে লভিলা
(পরাভবি যত্ন-বৃন্দে) চারু-চন্দ্রাননা
ভজায় ;—নবীন ছন্দে সে মহাকাহিনী
কহিবে নবীন কবি বঙ্গবাসি-জনে,
বাদেগবি, দাসেরে যদি কৃপা কর ছুমি ।
না জানি ভকতি, স্তুতি ; না জানি কি কয়ে,
আরাধি, হে বিশ্বারাধ্যে, ভোমায় ; না জানি
কি ভাবে মনের ভাব নিবেদি ও পদে !
কিন্তু মার প্রাণ কছু নারে কি বৃষ্টিতে
শিশুর মনের সাধ, যদিও না ফুটে
কথা তার ? কৃপা করি উর গো আসরে ।
আইস, মা, এ প্রবাসে, বজের সঙ্গীতে
ছুড়াই বিরহ-জালা, বিহঙ্গম যথা,
কারাবন্ধ পিঁজিরায়, কছু কছু তুলে
কারাগার-ছথ, অরি নিকুঞ্জের স্বরে ।

ইন্দ্রপ্রস্থে পঞ্চ ভাই পাঞ্চালীয়ে লয়ে
কৌতুকে করিলা বাস । আদরে ইন্দ্রিরা
(অগস্ত-আনন্দময়ী) নব-রাজ-পুরে
উরিলা ; লাগিল নিত্য বাড়িতে চৌদিকে
রাজ-শ্রী, শ্রীবরদার পদের প্রসাদে !—
এ মঙ্গলবার্তা শুনি নারদের মুখে
শচী, বরাদনা দেবী, বৈজয়ন্ত-ধামে
রুখিলা । জলিল পূমঃ পূর্বকথা অরি,
দাবানল-রূপ রোষ ছিরা-রূপ বনে,

দগধি পরাগ তাপে ! “হা ধিক্ !”—ভাবিলা
 বিরলে মানিনী মনে—“ধিক্ রে আমারে !
 আর কি মানিবে কেহ এ তিন ভুবনে
 অভাগিনী ইন্দ্রাণীরে ? কেন তাকে দিলি
 অনন্ত-যৌবন-কাস্ত, তুই, পোড়া বিধি ?
 হায়, কারে কব তুখ ? মোরে অপমানি,
 ভোজ-রাজ-বালা কুস্তী—কুল-কলঙ্কিনী,—
 পাপীয়সী—তার মান বাড়ান কুলিনী ?
 যৌবন-কুহকে, ধিক্, যে ব্যভিচারিণী
 মজাইল দেব-রাজে, মোরে লাজ দিয়া ।
 অর্জুন—জারজ তার—নাহি কি শক্তি
 আমার—ইন্দ্রাণী আমি—মারি সে অর্জুনে,
 এ পোড়া চখের বালি ?—ছুর্যোথনে দিয়া
 গড়াইলু জতুগৃহ ; সে ফাঁদ এড়ায়
 লক্ষ্য বিঁধি, লক্ষ রাজে বিমুখি সমরে
 পাঞ্চালীরে মন্দমতি লভিল পঞ্চালে ।
 অহিত সাধিতে, দেখ, হতাশ হইলু
 আমি, ভাগ্য-গুণে তার !—কি ভাগ্য ? কে জানে
 কোন্ দেবতার বলে বলী ও কাস্তনি ?
 বুঝি বা সহায় তার আপনি গোপনে
 দেবেন্দ্র ? হে ধর্ম, তুমি পার কি সহিতে
 এ আচার চরাচরে ? কি বিচার তব !
 উপপত্নী কুস্তীর জারজ পুত্র প্রতি
 এত যত্ন ? কারে কব এ ছুর্যের কথা—
 কার বা শরণ, হায়, লব এ বিপদে ?”
 কঙ্কণ-মণ্ডিত বাহু হানিলা ললাটে
 ললনা ! হুকুল সাজী ভিত্তি গলগলে

বহিল আঁখির জল, শিশির যেমতি
 হিমকালে পড়ি আর্জ্বে কমলের দলে !
 “যাইব কলির কাছে” আবার ভাবিলা
 মানিনী—“কুটিল কলি খ্যাত ত্রিভুবনে,—
 এ পোড়া মনের দুঃখ কব তার কাছে,
 এ পোড়া মনের দুঃখ সে যদি না পারে
 জুড়াতে কৌশল করি, কে আর জুড়াবে ?
 যায় যদি মান, যাক ! আর কি তা আছে ?”
 ইত্যাদি ।

নীতিগর্ভ কাব্য

ময়ূর ও গৌরী

ময়ূর কহিল কাঁদি গৌরীর চরণে,
 কৈলাস-ভবনে ;—
 “অবধান কর দেবি,
 আমি ভৃত্য নিত্য সেবি
 শ্রিয়োক্তম স্মৃতে তব এ পৃষ্ঠ-আসনে ।
 রথী যথা দ্রুত রথে,
 চলেন পবন-পথে
 দাসের এ পিঠে চড়ি সেনানী স্মৃতি ;
 তবু, মা গো, আমি হুখী অতি ।
 করি যদি কেকা-ধ্বনি,
 ঘৃণায় হাসে অমনি
 খেচর, ভূচর জন্ত ;—মরি, মা, শরমে !
 ডালে মূঢ় পিক যবে
 গায় গীত, তার রবে
 মাতিয়া অগৎ জন বাথানে অধমে ;

বিবিধ কুম্ভ কেশে,
 সাজি মনোহর বেশে,
 বরেন বসুধা দেবী যবে ঋতুবরে
 কোকিল মঙ্গল-ধ্বনি করে ।
 অহরহ কুহুধ্বনি বাজে বনস্থলে ;
 নীরবে থাকি, মা, আমি ; রাগে ছিয়া জলে !

ঘূচাও কলঙ্ক শুভঙ্করি
 পুত্রের কিঙ্কর আমি এ মিনতি করি,
 পা ছুখানি ধরি ।”
 উত্তর করিলা গৌরী সুমধুর স্বরে ;—
 “পুত্রের বাহন তুমি খ্যাত চরাচরে,
 এ আক্ষেপ কর কি কারণে ?
 হে বিহঙ্গ, অঙ্গ-কাস্তি ভাবি দেখ মনে !
 চন্দ্রকলাপে দেখ নিজ পুচ্ছ-দেশে ;
 রাখাল রাজার সম চূড়াখানি কেশে !
 আখণ্ডল-ধনুর বরণে
 মণ্ডিলা সু-পুচ্ছ খাতা তোমার সৃজনে !

সদা জলে ভব গেলে
 স্বর্ণহার ঝল ঝলে,
 যাও, বাছা, নাচ গিয়া ঘনের গর্জনে,
 হরষে সু-পুচ্ছ খুলি
 শিরে স্বর্ণ-চূড়া তুলি ;
 * * করগে কেলি ব্রজ-কুঞ্জ-বনে ।
 করতালি ব্রজাঙ্গনা
 দেবে রঙ্গে বরাদনা—
 তোষ গিয়া ময়ূরীয়ে প্রেম-আলিঙ্গনে !

শুন বাছা, মোর কথা শুন,
 দিয়াছেন কোন কোন গুণ,
 দেব সনাতন প্রতি-জনে ;
 সু-কলে কোকিল গায়,
 বাজ বজ্জ গতি ধায়,
 অপরূপ রূপ তব, খেদ কি কারণে ?”—
 নিজ অবস্থায় সদা স্থির যার মন,
 তার হতে সুখীতর অশ্রু কোন্ জন ?

কাক ও

একটি সন্দেশ চুরি করি,
 উড়িয়া বসিলা বুকোপরি,
 কাক, হৃষ্ট-মনে ;
 সুখাশ্রের বাস পেয়ে,
 আইল শৃগালী খেয়ে,
 দেখি কাকে কহে ছুটা মধুর বচনে ;—
 “অপরূপ রূপ তব, মরি !
 তুমি কি গো ব্রজের স্ত্রীহরি,—
 গোপিনীর মনোবাছা ?—কহ গুণমণি !
 হে নব নীরদ-কান্তি,
 ঘৃণাও দাসীর আশ্রিত্তি,
 যুড়াও এ কান ছুটি করি বেণু-ধ্বনি !
 গুণ্যবতী গোপ-বধু অতি !
 তেঁই তারে দিলা বিধি,
 তব সম রূপ-নিধি,—
 মোহ হে মদনে তুমি ; কি ছার যুবতী ?
 গাও গীত গাও, সখে করি এ মিনতি !

কুড়াইয়া কুসুম-রতনে
 গাঁথি মালা সূচারু গাঁথনে,
 দোলাইয়া দিব তব * * * *
 দাসীর সাধনে * *
 বাজাও মধুর * *
 রাস-রসে মাতি * * * * *
 মজিল * * *
 মুখ খুলি * * *
 * * * খে মু * * *
 * * * গীত আ * * *

রসাল ও স্বর্ণ-লতিকা

রসাল কহিল উচৈ স্বর্ণলতিকারে ;—
 “শুন মোর কথা, ধনি, নিন্দ বিধাতারে ।
 নিদারুণ তিনি অতি ;
 নাহি দয়া তব প্রতি ;
 তেঁই ক্ষুদ্র-কায়া করি সৃজিলা তোমারে ।
 মলয় বহিলে, হায়,
 নতশিরা তুমি তায়,
 মধুকর-ভরে তুমি পড় লো চলিয়া ;
 হিমাজি সদৃশ আমি,
 বন-বৃক্ষ-কুল-স্বামী,
 মেঘলোকে উঠে শির আকাশ ভেদিয়া ।
 কালাগ্নির মত তপ্ত তপন তাপন,—
 আমি কি লো ডরাই কখন ?

দূরে রাখি গাভী-দলে,
 রাখাল আমার তলে
 বিরাম লভয়ে অমুক্ষণ,—
 স্তন, ধনি, রাজ-কাজ দরিজ পালন !
 আমার প্রসাদ ভুঞ্জে পথ-গামী জন ।
 কেহ অন্ন রাখি খায়
 কেহ পড়ি নিজা যায়
 এ রাজ চরণে ।

শীতলিয়া মোর ডরে .
 সদা আসি সেবা করে
 মোর অতিথির হেথা আপনি পবন !
 মধু মাখা ফল মোর বিখ্যাত জুবনে ।
 তুমি কি তা জান না, ললনে ?
 দেখ মোর ডাল-রাশি,
 কত পাখী বাঁধে আসি
 বাসা এ আগারে !

ধন্য মোর জনম সংসারে !
 কিন্তু তব ছুখ দেখি নিত্য আমি ছুখী ;
 নিন্দ বিধাতায় তুমি, নিন্দ, বিধুমুখি !”

* * * মধুর স্বরে
 * * * * * রে,
 * * * * * * * * ;
 * * * * * * * * *
 * * * * * শ্রেষ্ঠ,
 * * * * * দয়ামি * *
 * * * * * যথা * *

যুদ্ধার্থ গম্ভীরতার বাণী তব পানে !

সুধা-আশে আসে অলি,
 দিলে সুধা যায় চলি,—
 কে কোথা কবে গো দুখী সখার মিলনে ?”
 “সুদ্র-মতি তুমি অতি”
 রাগি কহে তরুপতি,
 “নাহি কিছু অভিমান ? শিক্ চন্দ্রাননে !”
 নীরবিলা তরুরাজ ; উড়িল গগনে
 যমদূতাকৃতি মেঘ গম্ভীর স্বননে ;
 আইলেন প্রভঞ্জন,
 সিংহনাদ করি ঘন,
 যথা ভীম ভীমসেন কৌরব-সমরে ।
 আইল খাইতে মেঘ দৈত্যকুল রড়ে ;
 ঐরাবত পিঠে চড়ি
 রাগে দাঁত কড়মড়ি,
 ছাড়িলেন বজ্র ইস্র কড় কড় কড়ে !
 উরু ভাঙ্গি কুরুরাজে বধিলা যেমতি
 ভীম যোধপতি ;
 মহাঘাতে মড়মড়ি
 রসাল ভূতলে পড়ি,
 হায়, বায়ুবলে
 হারাইলা আয়ু-সহ দৰ্প বনস্থলে ।
 উর্কশির যদি তুমি কুল মান ধনে ;
 করিও না ঘৃণা তবু নীচশির জনে !
 এই উপদেশ কবি দিলা এ কৌশলে ॥

অশ্ব ও কুরঙ্গ

১

অশ্ব, নবদূর্ব্বাময় দেশে, বিহরে একেলা অধিপতি
নিত্য নিশা অবশেষে শিশিরে সরস দুর্ব্বা অতি ।
বড়ই সুন্দর স্থল, অদূরে নিব্বারে জল,
তরু, লতা, ফল, ফুল, বন-বীণা অলিকুল ;
মধ্যাহ্নে আসেন ছায়া, পরম শীতল কায়া,
পবন ব্যঞ্জন ধরে, পত্র যত নৃত্য করে,
মহানন্দে অশ্বের বসতি ॥

২

কিছু দিনে উজ্জ্বলনয়ন,
কুরঙ্গ সহসা আসি দিল দরশন ।
বিস্ময়ে চৌদিকে চায়, যা দেখে বাখানে তায়,
কতক্ষণে হেরি অশ্ব কহে মনে মনে ;—
“হেন রাজ্যে এক প্রজা এ ছুখ না সহে !
তোমার প্রসাদ চাই, শুন হে বন-গোঁসাই,
আপদে, বিপদে দেব, পদে দিও ঠাই ॥”

এক পার্শ্ব করি অধিকার, আরস্ত্রিল কুরঙ্গ বিহার ;
খাইল অনেক ঘাস, কে গণিতে পারে গ্রাস ?
আহার করণান্তরে করিল পান নিব্বারে ;
পরে যুগ তরুতলে নিজা গেল কুতূহলে—
গৃহে গৃহস্থামী যথা বলী স্বত্বলে ॥

৪

বাক্যহীন ত্রেণাথে অশ্ব, নিরশি এ লীলা,
 ভোজবাজি কিম্বা স্বপ্ন ! নয়ন মুদ্রিলা ;
 উন্মীলি ক্ষণেক পরে কুরঙ্গ দেখিলা,
 রঙ্গে শুয়ে তরুতলে ; দ্বিগুণ আগুন ছদে জ্বলে ;
 তীক্ষ্ণ ক্ষুর আঘাতনে ধরণী ফাটিল,
 ভীম হ্রেবা গগনে উঠিল ।
 প্রতিধ্বনি চৌদিকে জাগিল ॥

নিজাভঙ্গে মৃগবর কহিলা, “ওরে বর্কর !
 কে তুই, কত বা বল ?
 সং পড়সীর মত না থাকিবি, হবি হত ।”
 কুরঙ্গের উজ্জল নয়ন ভাঙিল সরোষে যেন দুইটি তপন ॥

৬

হয়ের ছদয়ে হৈল ভয়, ভাবে এ সামান্য পশু নয়,
 শিরে শৃঙ্গ শাখাময় !
 প্রতি শৃঙ্গ শূলের আকার
 বুঝি বা শূলের তুল্য ধার,
 কে আমারে দিবে পরিচয় ?

৭

মাঠের নিকটে এক মৃগয়ী থাকিত,
 অশ্ব তারে বিশেষ চিনিত ।
 ধরিতে এ অশ্ববরে, নানা কাল নিরন্তরে
 মৃগয়ী পাতিত ।

কিন্তু সৌভাগ্যের বলে, তুরঙ্গম মায়া-ছলে
কভু না পড়িত ॥

৮

কহিল তুরঙ্গ ;—“পশু উচ্চশৃঙ্গধারী—
মোর রাজ্য এবে অধিকারী ;
না চাহিল অনুমতি, কর্কশভাষী সে অতি ;
হও হে সহায় মোর, মারি দুই জনে চোর ॥”

৯

মুগয়ী করিয়া প্রতারণা, কহিলা, “হা ! এ কি বিড়ম্বনা !
জানি সে পশুরে আমি, বনে পশুকূলে আমি,
শার্দূলে, সিংহেরে নাশে, দক্ষে বন বিষখালে ;
একমাত্র কেবল উপায় ;—
মুখস ও মুখে পর, পৃষ্ঠে চন্দ্রাসন ধর,
আমি সে আসনে বসি, করে ধনুর্কর্বাণ অসি,
তা হলে বিজয় লভা যায় ॥”

১০

হায় ! ক্রোধে অন্ধ অশ্ব, কুছলে ভুলিল ;
লাফে পৃষ্ঠে ছুট সাদী অমনি চড়িল ।
লোহার কণ্টকে গড়া অস্ত্র, বাঁধা পাছকায়,
তাহার আঘাতে প্রাণ যায় ।
মুখস নাশিল গতি, ভয়ে হয় ক্ষিপ্তমতি,
চলে সাদী যে দিকে চালায় ॥

১১

কোথা অরি. কোথা বন, সে সূখের নিকেতন ?
দিনান্তে হইলা বন্দী আধার-শালায় ।

পুরের অনিষ্ট হেতু ব্যগ্র যে দুর্মতি,
এই পুরস্কার তার কহেন ভারতী ;
ছায়া সম জয় যায় ধর্মের সংহতি ॥

দেবদৃষ্টি

শতী সহ শতীপতি স্বর্ণ-মেঘাসনে,
বাহিরিলা বিশ্ব দরশনে ।
আরোহি বিচিত্র রথ,
চলে সঙ্গে চিত্ররথ,
নিজদলে স্মৃতিত অস্ত্র আভরণে,
রাজাজায় আশুগতি বহিলা বাহনে ।
হেরি নানা দেশ স্মৃথে,
হেরি বহু দেশ দুঃখে—
ধর্মের উন্নতি কোন স্থলে ;
কোথাও বা পাপ শাসে বলে—
দেব অগ্রগতি বঙ্গে উত্তরিল ।
কহিলা মাহেন্দ্র সতী শতী সুলোচনা,
কোন্ দেশে এবে গতি,
কহ হে প্রাণের পতি,
এ দেশের সহ কোন্ দেশের তুলনা ?
উত্তরিল মধুর বচনে
বাসব, লো চন্দ্রাননে,
বঙ্গ এ দেশের নাম বিখ্যাত জগতে ।
ভারতের প্রিয় মেয়ে
মা নাই তাহার চেয়ে
নিত্য অলঙ্কৃত হীরা মুক্তা ময়কতে ।

সপ্নেছে জাহ্নবী তারে
 মেখলেন চারি ধারে
 বরুণ ধোয়েন পা ছু'খানি ।
 নিত্য রক্ষকের বেশে
 হিমালয় উত্তর দেশে
 পরেশনাথ আপনি
 শিরে তার শিরোমণি
 সেই এই বঙ্গভূমি শুন লো ইন্দ্রাণি !
 দেবাদেশে আশুগতি
 চলিলেন যুদ্ধগতি
 উঠিল সহসা ধ্বনি
 সতয়ে শচী অমনি ইন্দ্রেরে স্মৃথিলা,
 নীচে কি হতেছে রণ
 কহ সখে বিবরণ
 হেন দেশে হেন শক কি হেতু জয়িলা ?
 চিত্ররথ হাত জোড় করি
 কহে শুন ত্রিদিব-ঈশ্বরি ।
 'বিবাহ করিয়া এক বালক যাইছে,
 পত্নী আসে দেখ তার পিছে ।'
 স্মৃধাংশুর অংশুরূপে নয়ন-কিরণ
 নীচদেশে পড়িল তখন ।

গদা ও সদা

গদা সদা নামে
 কোন এক গ্রামে
 ছিল ছই জন ।

দূর দেশে যাইতে হইল ;
 ছুজনে চলিল ।
 ভয়ানক পথ—পাশে পশু ফণী বন,
 ভল্লুক শার্দূল তাহে গর্জে অমুক্ষণ ।
 কালসর্প যেমতি বিবরে,
 তঙ্কর লুকায়ে থাকে গিরির গহ্বরে ;
 পথিকের অর্থ অপহরে,
 কখন বা প্রাণনাশ করে ।

কহে সদা গদাবে আহ্বানি
 কর কিরা পশি মোর পাণি
 ধর্ম্মে সাক্ষী মানি,
 আজি হতে আমরা ছুজন
 হ'লু একপ্রাণ একমন,—
 সুন্দ উপসুন্দ যথা—জান সে কাহিনী ।
 আমার মঙ্গল যাহে,
 তোমার মঙ্গল তাহে,
 কবচে ভেদিলে বাণ, বন্ধ ক্ষত যথা,
 অমঙ্গলে অমঙ্গল উভয়ের তথা ।
 কহে গদা ধর্ম্ম সাক্ষী করি,
 কিরা মোর ভব কর ধরি,
 একাত্মা আমরা দৌহে কি বাঁচি কি মরি ।
 এইরূপে মৈত্র আলাপনে
 মনানন্দে চলিলা ছুজনে ।
 সতর্ক রক্ষকরূপে সদা গদা যেন
 বন পাশে একদৃষ্টে চাহে অমুক্ষণ,
 পাছে পশু সহসা করয়ে আক্রমণ ।

গদা চারি দিকে চায়,
এরূপে উভয়ে যায় ;

দেখে গদা সম্মুখে চাহিয়া
থল্যে এক পথেতে পড়িয়া ।

দৌড়ে মূঢ় থল্যে তুলি
হেরে কুতূহলে খুলি
পূর্ণ থল্যে সুবর্ণমুদ্রায়,
তোলা ভার, এত ভারি তায় ।

কহে গদা সহাস বদনে
করেছিনু যাত্রা আজি অতি শুভ ক্ষণে
আমরা দুজনে ।

‘দুজনে ?’ কহিল সদা রাগে,
‘লোভ কি করিস্ তুই এ অর্থের ভাগে ?
মোর পূর্ব পুণ্যফলে
ভাগ্যদেবী এই ছলে
মোরে অর্থ দিলা ।

পাপী তুই, অংশ তোরে
কেন দিব, ক’ তা মোরে
এ কি বাললীলা ?

রবির করের রাশি পরশি রতনে
বরাল্লের আভা তার বাড়ায় যতনে ;
কিন্তু পড়ি মাটির উপরে
সে কর কি কোন ফল ধরে ?
সৎ যে তাহার শোভা ধনে,
অসৎ নিতান্ত তুই, জনম কৃষ্ণে ।’

এই কয়ে সদানন্দ থল্যে তুলে লয়ে
চলিতে লাগিলা স্মৃখে অগ্রসর হয়ে ।

বিশ্বয়ে অবাধ্ গদা চলিল পশ্চাতে,—
 বামন কি কভু পায় চারু চাঁদে হাতে ?
 এই ভাবি অতি ধীরে ধীরে
 গেল গদা তিতি অশ্রুণীরে ।
 ছই পাশে শৈলকুল ভীষণ-দর্শন,
 শৃঙ্গ যেন পরশে গগন ।
 গিরিশিবে বরষায় প্রবলা যেমতি
 ভীমা স্রোতস্বতী,
 পথিক ছুজনে হেরি তঙ্করের দল
 নাবি নীচে করি কোলাহল
 উত্তে আক্রমিল ।
 সদা অতি কাতরে কহিল,—
 সুন ভাই, পাঞ্চালে যেমতি,
 বিষ্ণু রথিপতি,
 জিনি লক্ষ রাজে শূর কৃষ্ণায় লভিলা,
 মার চোরে করি রণ-লীলা ।
 এই ধন নিও পরে বাঁচি
 হিসাবে করিয়া আঁটাআঁটি,
 তঙ্করদলের মাথা কাটি ।
 কহে গদা, পান্ডী আমি, তুমি স্বর্গজন,
 ধর্মবলে নিজধন করহ রক্ষণ ।
 তঙ্কর-কুল-ঈশ্বরে
 কহিল সে ষোড় করে,
 অধিপতি ওই জন ভাই,
 সঙ্গী মাত্র আমি ওর, ধর্মের দোহাই ।
 সঙ্গী মাত্র যদি তুই, যা চলি বর্ষর,
 নতুবা ফেলিব কাটি, কহিল তঙ্কর ।

বিবিধ : সূর্য্য ও মৈনাক-গিরি

২৯

কাঁদে বাঁধা পাখী যথা পাইলে মুকতি,
উড়ি যায় বায়ুপথে অতি দ্রুতগতি,
গদা পলাইল ।

সদানন্দ নিরানন্দে বিপদে পড়িল ।

প্রাণলোক থাকিতে তুচ্ছ কর তুমি যাবে,
বঁধু কি তোমার কষ্ট হয় সে আধারে ?
এই উপদেশ কবি দিলা এ প্রকারে ।

কুকুট ও মণি

খুঁটিতে খুঁটিতে ক্ষুদ্র কুকুট পাইল

একটি রতন ;—

বণিকে সে ব্যাগ্রে জিজ্ঞাসিল ;—

“ঠোঁটের বলে না টুটে, এ বস্তু কেমন ?”

বণিক কহিল,—“ভাই,

এ হেম অমূল্য রত্ন, বৃষ্টি, ছুটি নাই ।”

হাসিল কুকুট শুনি ;—“তগুলের কণা

বহুমূল্যতর ভাবি ;—কি আছে তুলনা ?”

“মহে দোষ তোমর, মূঢ়, দৈব এ ছলনা,

জ্ঞান-শূন্য করিল গৌসাই ।”—

এই কয়ে বণিক কিরিল ।

যুগ্ম যে, বিভার মূল্য কত কি সে জানে ?

মর-কূলে পশু বলি লোকে ভারে মানে ;—

এই উপদেশ কবি দিলা এই ভানে ।

সূর্য্য ও মৈনাক-গিরি

উদয়-অচলে,

দিবা-মুখে এক-চক্রে দিলা দরশন.

মধুসূদন-গ্রন্থাবলী

অংশু-মালা গলে,
 বিতরি স্নবর্ণ-রশ্মি চৌদিকে তপন ।
 ফুটিল কমল জলে
 সূর্য্যমুখী স্নখে স্থলে,
 কোকিল গাইল কলে,
 আমোদি কানন ।
 জাগে বিশ্বে নিদ্রা ত্যজি বিশ্ববাসী জন ;
 পুনঃ যেন দেব স্রষ্টা সৃজিলা মহীরে ;
 সজীব হইলা সবে জনমি, অচিরে ।
 অবহেলি উদয় অচলে,
 শূন্য-পথে রথবর চলে ;
 বাড়িতে লাগিল বেলা,
 পদ্মের বাড়িল খেলা,
 রজনী তারার মেলা সর্ব্বত্র ভাজিল ;—
 কর-জালে দশ দিক্ হাসি উজ্জলিল ।
 উঠিতে লাগিলা ভানু নীল নভঃস্থলে ;
 দ্বিতীয়-তপন-রূপে নীল সিন্ধু-জলে
 মৈনাক ভাসিল ।
 কছিল গম্ভীরে শৈল দেব দিবাকরে ;—
 “দেখি তব ধীর গতি হুখে আঁধি ঝরে ;
 পাও যদি কষ্ট,—এস, পৃষ্ঠাসন দিব ;
 যেখানে উঠিতে চাও, সবলে তুলিব ।”
 কহিলা হাসিয়া ভানু ;—“তুমি শিষ্টমতি ;
 দৈববলে বলী আমি, দৈববলে গতি ।”

মধ্যাকাশে শোভিল তপন,—
 উজ্জল-যৌবন, প্রচণ্ড-কিরণ ;

তাপিল উত্তাপে মহী ; পবন বহিলা
 আশ্বনের ঋস-রূপে ; সব শুকাইলা—
 শুকাল কাননে ফুল ;
 প্রাণিকুল ভরাফুল ;
 জলের শীতল দেহ দহিয়া উঠিল ;
 কমলিনী কেবল হাসিল !
 হেন কালে পতনের দশা,
 আ মরি ! সহলা
 আসি উত্তরিল ;—
 হিরণ্ময় রাজাসন ত্যজিতে হইল ।
 অধোপামী এবে রবি,
 বিবাদে মলিন-হবি,
 হেরি মৈনাকেরে পুনঃ নীল সিদ্ধু-জলে,
 সস্তাবি কহিলা কুতূহলে ;—
 “পাইতেছি কষ্ট, ভাই, পূর্বাসন লাগি ;
 দেহ পৃষ্ঠাসন এবে, এই বর মাগি ;
 লও ফিরে য়োরে, সখে, ও মধ্য-গগনে ;—
 আবার রাজত্ব করি, এই ইচ্ছা মনে ।”
 হাসি উত্তরিল শৈল ;—“হে মৃত্ত তপস,
 অধঃপাতে গতি যার কে তার-রক্ষণ !
 রমার থাকিলে কৃপা, সবে ভালবাসে ;—
 কাঁদ যদি, সঙ্গে কাঁদে ; হাস যদি, হাসে ;
 চাকেন বদন যবে মাধব-রমণী,
 সকলে পলায় রড়ে, দেখি যেন ফণী ।”

মেষ ও চাতক

উড়িল আকাশে মেষ গরজি তৈরবে ;—

ভানু পলাইল ত্রাসে ;
তা দেখি উড়িল হাসে ;
বহিল নিখাম ঝড়ে ;
ভাজে তরু মড়-মড়ে ;
গিরি-শিরে চূড়া নড়ে,
যেন কু-কম্পমে ;

অধীরা সত্যে ধরা সাধিলা বাসবে ।

আইল চাতক-দল,
মানি কোলাহলে জল—

“তুঝায় আকুল মোরা, ওহে ঘনপতি !
এ আলা জুড়াও, প্রভু, করি এ মিনতি ।”
বড় মানুষের ঘরে জতে, কি পরবে,
ভিখারী-মণ্ডল যথা আসে ঘোর রবে ;—

কেহ আসে, কেহ যায় ;
কেহ কিরে পূমরায়
আবার বিদায় চায় ;
ব্রহ্ম লোভে সবে ;—
সেইরূপে চাতক-দল,
উড়ি করে কোলাহল ;—

“তুঝায় আকুল মোরা, ওহে ঘনপতি !
এ আলা জুড়াও জলে, করি এ মিনতি ।”

রোবে উত্তরিলো ঘনবর ;—

“অপরে নির্ভর যার, অতি সে পামর !

বায়ু-রূপ দ্রুত রথে চড়ি,
 লাগরের নীল পায়ে পড়ি,
 আনিয়াছি বারি ;—
 ধরার এ ধার ধারি ।
 এই বারি পান করি,
 মেদিনী সুলভরী
 বৃক্ষ-লতা-শস্ত্রচয়ে
 স্তন-দুগ্ধ বিভরয়ে
 শিশু যথা বল পায়,
 সে রসে তাহারা খায়,
 অপরূপ রূপ-সুধা বাড়ে নিরন্তর ;
 তাহারা বাঁচায়, দেখ, পশু-পক্ষী-নর ।
 নিজে তিনি হীন-পতি ;
 জল গিয়া আনিবারে নাহি শক্তি ;
 : কেঁই তাঁর হেতু বারি-ধারা ।—
 তোমরা কাহারো ?
 তোমাদের দিলে জল,
 কত কি ফলিবে ফল ?
 পাখা দিরাছেন বিধি ;
 যাও, যথা জলনিধি ;—
 যাও, যথা জলাশয় ;—
 নদ-নদী-তড়াগাদি, জল যথা রয় ।
 : কি গ্রীষ্ম, কি শীত কালে,
 : জল যেখানে পালে,
 সেখানে চলিয়া যাও, দিহু এ যুক্তি ।”

চাতকের কোলাহল অতি ।

ক্রোধে তড়িতেরে ঘন কহিলা,—

“অগ্নি-বাণে তাড়াও এ দলে ।”—

তড়িৎ প্রভুর আজ্ঞা মানিলা ।

পলার চাতক, পাখা অলে ।

স্বী চাহ, লভ তা সদা নিজ-পরিগ্রামে ;
এই উপদেশ কবি দিলা এই ক্রমে ।

পীড়িত সিংহ ও অন্যান্য পশু

অধিক-বয়স-ভরে হয়ে হীন-গতি,

সিংহ কুশ অতি ।

জনরব-রূপ-শ্রোতে,

ভাসাল ঘোষণা-পোতে,

এই কথা ;—“মুগরাজ মগ্ন রাজকাজে ;

প্রজাবর্গ, রাজপুরে পূজ কুল-রাজে ।”

প্রভু-ভক্তি-মদে মাতি

কুরজ, তুরজ, হাতী,

করে করি রাজকর,

পালা-মতে নিরস্তর,

গেলা চলি রাজ-নিকেতনে,

অতি দ্রষ্ট মনে ।

শৃগাল-কুলের পালা আসি উত্তরিল ;

কুল-মন্ত্রী সভা আহ্বানিল ;

কি ভেট, কি উপহার,

কি পানীয়, কি আহার,—

এই লয়ে ঘোর তর্ক-বিতর্ক হইল ।
 হেন কালে আর মন্ত্রী সহাসে কহিল ;—
 “তর্কের যে অলঙ্কার তোমরা সকলে,—
 এ বিশ্বে এ বিশ্ব-জনে বলে ;
 কিন্তু কহ দেখি, শুনি, কেন স্থানে-স্থানে
 বহুবিধ পদ-চিহ্ন রাজ-গৃহ-পানে ?—
 ফিরে যে আসিছে, তার চিহ্ন কে মুছিল ?”

✓ চতুর যে সর্বদর্শী, বিপদের জালে
 পদ তার পড়িতে পারে কোন্ কালে ?

সিংহ ও মশক

শঙ্খনাদ করি মশা সিংহে আক্রমিল ;
 ভব-তলে যত নর,
 ত্রিদিবে যত অমর,
 আর যত চরাচর,
 হেরিতে অদ্ভুত যুদ্ধ দৌড়িয়া আইল ।
 ছল-রূপ শূলে বীর, সিংহেরে বিধিল !
 অধীর ব্যথায় হরি,
 উচ্চ-পুচ্ছে ক্রোধ করি,
 কহিলা ;—“কে তুই, কেন
 বৈরিভাব তোর হেন ?
 গুণভাবে কি জঘ্ন লড়াই ?—
 সন্মুখ-সমর কর ; তাই আমি চাই ।
 দেখিব বীরত্ব কত দূর,
 আঘাতে করিব দর্প-চূর ;
 লঙ্ঘনের মুখে কালি
 ইন্দ্রজিতে জয় ডালি,

মধুসূদন-প্রশ্নাবলী

দিরাছে এ দেশে কবি ।”

কহে মশা ;—“ভীক, মহাপাপি,
যদি বল থাকে, বিষম-প্রতাপি,

অশ্রায়-শ্রায়-ভাবে,

কুখায় বা পায়, ঋষে ;

ধিক্, ছুটমতি !

মারি তোরে বন-জীবে দিব, রে, কু-মতি ।”

হইল বিষম রণ, তুলনা না মিলে ;

ভীম তুর্য্যোধনে,

ঘোর গদা-রণে,

হৃদ দ্বৈপায়নে,

তীরস্থ সে রণ-ছায়া পড়িল সজিলে ;

ডরাইয়া জল-জীবী জল-জন্তুচয়ে,

সভয়ে মনেতে ভাবিল,

প্রলয়ে বুঝি এ বীরেন্দ্র-দ্বয় এ সৃষ্টি নাশিল !

মেঘনাদ মেঘের পিছনে,

অদৃশ আঘাতে যথা রণে ;

কেহ তারে মারিতে না পায়,

ভয়ঙ্কর স্বপ্নসম আসে,—এসে যায়,

জর-জরি শ্রীরামের কটক লঙ্কায় ।

কড়ু নাকে, কড়ু কানে,

ত্রিশূল-সদৃশ হানে

হল, মশা বীর ।

না হেরি অরিরে হরি,

মুহূর্হু নাদ করি,

হইলা অধীর ।

হার ! ক্রোধে হৃদয় কাটিল ;—

গত-জীব যুগরাজ ভূতলে পড়িল ।

✓ সূত্র শত্রু ভাবি লোক অবহেলে যারে,
বহুবিধ সঙ্কটে সে ফেলাইতে পারে ;—
এই উপদেশ কবি দিলা অলঙ্কারে ।

ঢাকাবাসীদিগের অভিনন্দনের উত্তরে

নাহি পাই নাম তব বেদে কি পুরাণে
কিন্তু বঙ্গ-অলঙ্কার তুমি যে তা জানি
পূর্ব-বঙ্গে । শোভ তুমি এ সুন্দর স্থানে
ফুলবৃন্তে ফুল যথা, রাজ্যসনে রাণী ।
প্রতি ঘরে বাঁধা লক্ষ্মী (থাকে এইখানে)
নিত্য অতিথিনী তব দেবী বীণাপাণি ।
পীড়ায় ছুর্বল আমি, তেঁই বৃষ্টি আনি
সৌভাগ্য, অর্পিলা মোরে (বিধির বিধানে)
তব করে, হে সুন্দরি ! বিপজ্জ্বাল যবে
বেড়ে করে, মহৎ যে সেই তার গতি ।
কি হেতু মৈনাক গিরি ডুবিল অর্গবে ?
ষেপায়ন হৃদতলে কুরুকুলপতি ?
যুগে যুগে বসুন্ধরা সাধন মাধবে,
কুরিও না ঘৃণা মোরে, তুমি, ভাগ্যবতি ।

পুরুলিয়া ●

পাষণময় যে দেশ, সে দেশে পড়িলে
বীজকুল, শস্ত ভথা কখন কি ফলে ?

কিন্তু কত মনানন্দ তুমি মোরে দিলে,
 হে পুরুষো ! দেখাইয়া ভকত-মণ্ডলে !
 ক্রীভ্রষ্ট সরস সম, হায়, তুমি ছিলে,
 অজ্ঞান-ভিমিরাচ্ছন্ন এ দূর জঙ্গলে ;
 এবে রাশি রাশি পদ্য ফোটে তব জলে,
 পরিমল-ধনে ধনী করিয়া অনিলে !
 প্রভুর কি অঙ্কুগ্রহ ! দেখ ভাবি মনে,
 (কত ভাগ্যবান তুমি কব তা কাহারে ?)
 রাজাসন দিলা তিনি ভূপতিত জনে !
 উজ্জলিলা মুখ তব বঙ্গের সংসারে ;
 বাড়ুক সৌভাগ্য তব এ প্রার্থনা করি,
 ভাসুক সভ্যতা-স্রোতে নিত্য তব তরি ।

পরেশনাথ গিরি

হেরি দূরে উর্দ্ধশিরঃ তোমার গগনে,
 অচল, চিত্রিত পটে জীমূত যেমতি ।
 ব্যোমকেশ তুমি কি হে, (এই ভাবি মনে)
 মজি তপে, ধরেছ ও পাষণ-মূর্তি ?
 এ হেন ভীষণ কায়া কার বিশ্বজনে ?
 তবে যদি নহ তুমি দেব উমাপতি,
 কহ, কোন্ রাজবীর তপোত্রিতে ব্রতী—
 খচিত শিলার বর্ষ্য কুসুম-রতনে
 তোমার ? যে হর-শিরে শশিকলা হাসে,
 সে হর কিরীটরূপে তব পুণ্য শিরে
 চিরবাসী, যেন বাঁধা চিরপ্রেমপাশে !
 হেরিলে তোমায় মনে পড়ে ফাস্তনিরে

সেবিলা বীরেশ যবে পাশুপত আশে
ইন্দ্রকীল নীলচূড়ে দেব ধ্বজটিরে ;

কবির ধর্মপুত্র

(শ্রীমান্ শ্রীষ্টদাস সিংহ)

হে পুত্র, পবিত্রতর জনম গৃহিলা
আজি তুমি, করি স্নান যর্দনের নীরে
সুন্দর মন্দির এক আনন্দে নির্মিলা
পবিত্রাচ্ছা বাস হেতু ও তব শরীরে ;
সৌরভ কুসুমে যথা, আসে যবে ফিরে
বসন্ত, হিমাঙ্ককালে । কি ধন পাইলা—
দৈববলে বলী তুমি, গুন হে, হইলা !
পরম সৌভাগ্য তব । ধর্ম বর্ষ ধরি
পাপ-রূপ রিপু নাশো এ জীবন-স্থলে ;
বিজয়-পতাকা তোলি রথের উপরি ;
বিজয় কুমার সেই, লোকে যারে বলে
শ্রীষ্টদাস, লভো নাম, আশীর্ব্বাদ করি,
জনক জননী সহ, প্রেম কুতূহলে ।

পঞ্চকোট গিরি

কাটিলা মহেন্দ্র মর্ত্যো বজ্র প্রহরণে
পর্ব্বতকূলের পাখা ; কিন্তু হীনগতি
সে অশ্রু নহ হে তুমি, জানি আমি মনে,
পঞ্চকোট ! রয়েছ যে,—লঙ্কায় যেমতি

কুম্ভকর্ণ,—রক্ষ, নর, বানরের যুগে—
 শূন্যপ্রাণ, শূন্যবল, তবু, ভীমাকৃতি,—
 রয়েছে যে পড়ে হেথা, অশ্রু সে কারণে ।
 কোথায় সে রাজলক্ষ্মী, যার স্বর্ণ-জ্যোতি
 উজ্জলিত মুখ তব ? যথা অস্তীচলে
 দিনান্তে ভানুর কাস্তি । তেজাগি তোমারে
 গিয়াছেন দূরে দেবী, তেঁই হে ! এ স্থলে,
 মনোদ্বঃখে মোন ভাব তোমার ; কে পারে
 বুঝিতে, কি শোকানল ও হৃদয়ে জ্বলে ?
 মণিহারী কণী তুমি রয়েছে আঁধারে ।

পঞ্চকোটস্য রাজশ্রী

হেরিহু রমারে আমি নিশার স্বপনে ;
 হাঁটু গাড়ি হাতী ছুটি শুঁড়ে শুঁড়ে ধরে—
 পদ্মাসন উজ্জলিত শতরত্ন-করে,
 রবির পরিধি যেন । রূপের কিরণে
 ছুই মেঘরাশি-মাঝে, শোভিছে অশ্বরে,
 আলো করি দশ দিশ ; হেরিহু নয়নে,
 সে কমলাসন-মাঝে ভূলাতে শঙ্করে
 রাজরাজেশ্বরী, যেন কৈলাস-সদনে ।
 কহিলা বাম্বেবী দাসে (জননী যেমতি
 অবোধ শিশুরে দীক্ষা দেন প্রেমাদরে),
 “বিবিধ আছিল পুণ্য তোর জন্মান্তরে,
 তেঁই দেখা দিলা তোর আঞ্জি হৈমবর্তী
 যেক্রমে করেন বাস চির রাজ-ধরে
 পঞ্চকোট ;—পঞ্চকোট—ওই গিরিপতি ।”

পঞ্চকোট-গিরি বিদায়-সঙ্গীত

হেরেছিহু, গিরিবর ! নিশার স্বপনে,

অদ্ভুত দর্শন !

হাঁটু গাড়ি হাতী ছুটি শুঁড়ে শুঁড়ে ধরে,

কনক-আসন এক, দীপ্ত রত্ন-করে

দ্বিতীয় তপন !

যেই রাজকুলখ্যাতি তুমি দিয়াছিলি,

সেই রাজকুললক্ষ্মী দাসে দেখা দিলা,

শোভি সে আসন !

হে সখে ! পাষণ তুমি, তবু তব মনে

ভাবরূপ উৎস, জানি, উঠে সর্ব্বক্ষণে ।

ভেবেছিহু, গিরিবর ! রমার প্রসাদে,

তঁার দয়াবলে,

ভাঙা গড় গড়াইব, জলপূর্ণ করি

জলশূন্য পরিখায় ; ধনুর্বাণ ধরি ঝারিগণ

আবার রক্ষিবে ঘর অতি কুতূহলে ।

সমাধি-লিপি

দাঁড়াও, পথিক-বর, জন্ম যদি ভব

বঙ্গে ! তিষ্ঠ ক্ষণকাল ! এ সমাধিস্থলে

(জননীর কোলে শিশু লভয়ে যেমতি

বিরাম) মহীর পদে মহানিজাবৃত

দন্তকুলোদ্ভব কবি শ্রীমধুসূদন !

যশোরে সাগরদাঁড়ী কবতক্ষ-তীরে

জন্মভূমি, জন্মভাতা দন্ত মহামতি

রাজনারায়ণ নামে, জননী আহুবা !

পাণ্ডববিজয়

কেমনে সংহারি রণে কুরুকুলরাজে,
কুরুকুল-রাজাসন লভিলা ছাপরে
ধর্মরাজ ;—সে কাহিনী, সে মহাকাহিনী,
নব রঙ্গে বঙ্গজনে, উরি এ আসরে,
কহ, দেবি ! গিরি-গৃহে স্নাকালে জনমি
(আকাশ-সম্ভবা ধাত্রী কাদম্বিনী দিলে
স্তনামৃতরূপে বারি) প্রবাহ যেমতি
বহি, ধায় সিন্ধুমুখে, বদরিকাশ্রমে,
ও পদ-পালনে পুষ্ট কবি-মনঃ, পুনঃ
চলিল, হে কবি-মাতঃ, যশের উদ্দেশে ।
যথা সে নদের মুখে স্তমধুর ধ্বনি,
বহে সে সঙ্গীতে যবে মধু কুণ্ডাস্তরে
সমদেশে ; কিন্তু ঘোর কল্লোল, যেখানে
শিলাময় স্থল রোধে অবিরলগতি ;—
দাসের রসনা আসি রস নানা রসে,
কছু রোজে, কছু বীরে, কছু বা করুণে—
দেহ ফুলশরাসন, পঞ্চফুলশরে ।

দুর্যোধনের মৃত্যু

“দেখ, দেব, দেখ চেয়ে”, কাতরে কছিল
কুরুরাজ কৃপাচার্য্যে,— “আসিছেন বীরে
নিশীথিনী ; নাহি তারা কবরী-বন্ধনে,—
না শোভে ললাটদেশে চাক্র নিশামণি !

শিবির-বাহিরে মোরে লহ কৃপা করি,
মহারথ ! রাখ লয়ে যথায় ঝরিবে
এ ভূনত-শিরে শিশিরের ধারা,
ঝরে যথা শিশুশিরে অবিরল বহি
জননীর অশ্রুজল, কালগ্রাসে যবে
সে শিশু ।” লইলা সবে ধরাধরি করি
শিবির বাহিরে শূরে—ভগ্ন-উরু রণে !

মহাযত্নে কৃপাচার্য্য পাতিল ভূতলে
উত্তরী । বিষাদে হাসি কহিলা নৃমণি ;—
“কার হেতু এ স্মশয়্যা, কৃপাচার্য্য রথি ?
পড়িল ভূতলে, প্রভু, মাতৃগর্ভ ত্যজি ;—
সেই বাল্যাসন ভিন্ন কি আসন সাজে
অস্তিমে ? উঠাও বস্ত্র, বসি হে ভূতলে !
কি শয়্যায় স্তম্ভ আজি কুরুবীর্য্যরূপী
গাজেয় ? কোথায় গুরু জ্ঞোণাচার্য্য রথী,
কোথা অঙ্গপতি কর্ণ ? আর রাজা যত
কত্র-কত্র-পুষ্প, দেব ! কি সাথে বসিবে
এ হেন শয়্যায় হেথা ছুর্য্যোধন আজি ?
যথা বনমাঝে বহি অলি নিশায়োগে
আকর্ষি পতঙ্গচয়ে, ভস্মেন তা সবে
সর্ব্বভুক্—রাজদলে আহ্বানি এ রণে—
বিনাশিলু আমি, দেব ! নিঃকত্র করিলু
কত্রপূর্ণ কর্ম্মকত্র নিজ কর্ম্মদোষে ।
কি কাজ আমার আর বৃথা স্মৃতিভোগে ?
নির্ব্বাণ পাবক আমি, ভেঙ্গশূত্র, বলি !
ভস্মমাত্র ! এ যতন বৃথা কেন তব !”
সরায়ে উত্তরী শূর বসিলা ভূতলে ।

নিকটে বসিলা কুপ কৃতবর্ণা রথী
 বিবাদে নীরব দৌছে ;—আসি নিশীথিনী,
 মেঘরূপ ঘোমটার বদন আবরি,
 উচ্চ বায়ু-রূপ ধ্বাসে সঘনে নিশ্বাসি ;—
 বৃষ্টি-ছলে অশ্রুবারি ফেলিলা ভূতলে ।
 কাতরে কহিলা চাহি কৃতবর্ণা পানে
 রাজেন্দ্র ; “এ হেন ক্লেত্রে, ক্রতচূড়ামণি,
 ক্রত-কুলোদ্ভব, কহ, কে আছে ভারতে,
 যে না ইচ্ছে মরিবারে ? যেখানে, যে কালে
 আক্রমেন যমরাজ ; সমপীড়া-দায়ী
 দণ্ড তাঁর,—রাজপুরে, কি ক্ষুদ্র কুটীরে,
 সম ভয়ঙ্কর প্রভু, সে ভীম মুরতি !
 কিন্তু হেন স্থলে তাঁরে আতঙ্ক না করি
 আমি !—এই সাধ ছিল চিরকাল মনে !
 যে শুভের বলে শির উঠায় আকাশে
 উচ্চ রাজ-অট্টালিকা, সে শুভের রূপে
 ক্রতকুল-অট্টালিকা ধরিহু স্ববলে
 ভূভারতে । ভূপতিত এবে কালে আমি ;
 দেখ চেয়ে চারি দিকে ভগ্ন শত ভাগে
 সে সুঅট্টালিকা চূর্ণ এ মোর পতনে !
 গড়ায় এক্কেত্রে পড়ি গৃহচূড়া কত !
 আর যত অলঙ্কার—কার সাধ্য গণে ?
 কিন্তু চেয়ে দেখ সবে, কি আশ্চর্য্য ! দেখ—
 রকত বরণে দেখ, সহসা আকাশে
 উদিছেন এ পৌরব বংশ-আদি যিনি,
 নিশানাথ ! ছর্যোথনে ভূশব্যায় হেরি
 কুবরন হইলা কি শোকে সুধানিধি ?”

পাণ্ডব-শিবির পানে ক্ষণেক নিরখি
 উত্তরিলি কুপাচার্য্য ;—“হে কৌরবপতি,
 নহে চন্দ্র যাহা, রাজা, দেখিছ আকাশে,
 কিন্তু বৈজয়ন্তী তব সর্বভুক্ৰূপে !
 রিপুকুল-চিতা, দেব, জলিয়া উঠিল ।
 কি বিষাদ আর তবে ? মরিছে শিবিরে
 অগ্নি-তাপে ছটফটি ভীম ছুষ্টমতি ;
 পুড়িছে অর্জুন, রায়, তার শরানলে,
 পুড়িল যেমতি হেথা সৈন্যদল তব !
 অস্ত্রিমে পিতায় স্মরে যুধিষ্ঠির এবে ;
 মকুল ব্যাকুলচিত সহদেব সহ !
 আর আর বীর যত এ কাল সমরে
 পাইয়াছে রক্ষা যারা, দাবদণ্ড বনে
 আশে পাশে তরু যথা ;—দেখ মহামতি !”

সিংহল-বিজয়

স্বর্ণসৌধে সুধাধরা যন্ধেস্ত্রমোহিনী
 মুরজা, শুনি সে ধ্বনি অলকা নগরে,
 বিন্ময়ে সাগর পানে নিরখি, দেখিলা
 ভাসিছে সুন্দর ডিঙ্গা, উড়িছে আকাশে
 পতাকা, মঙ্গলবাত্ত বাজিছে চৌদিকে !
 কৃষি সতী শশিমুখী সখীরে কহিলা ;—
 হেদে দেখ, শশিমুখি, আঁধি ছুটি খুলি,
 চলিছে সিংহলে ওই রাজ্যলাভ-লোভে
 বিজয়, স্বদেশ ছাড়ি লক্ষ্মীর আদেশে !
 কি লজ্জা । থাকিতে প্রাণ না দিব লইতে

রাজ্য ওরে আমি, সই ! উজ্জ্বলস্বরূপে
 সাজানু সিংহলে কি লো দিতে পরজনে ?
 জলে রাগে দেহ, যদি স্মরি শশিমুখি,
 কমলার অহঙ্কার ; দেখিব কেমনে
 স্বদাসে আমার দেশ দানেন ইন্দ্রিরা ?
 জলধি জনক তাঁর ; তেঁই শাস্ত তিনি
 উপরোধে । যা, লো সই, ডাক শারথিরে
 আনিতে পুষ্পকে হেথা । বিরাজেন যথা
 বায়ুরাজ, যাব আজি ; প্রভঞ্নে লয়ে
 বাধাব জঞ্জাল, পরে দেখিব কি ঘটে ?
 স্বর্ণতেজঃপুঞ্জ রথ আইল ছুয়ারে
 ঘর্ষরি । হেথিল অশ্ব, পদ-আশ্ফালনে
 সৃষ্টি বিস্মুলিঙ্গবৃন্দে । চড়িলা স্তম্ভনে
 আনন্দে স্তম্ভরী, সাজি বিমোহন সাজে !

হতাশা-পীড়িত হৃদয়ের দুঃখধনি

ভেবেছিলুম মোর ভাগ্য, হে রমাসুন্দরি,
 নিবাইবে সে রোষায়ি,—লোকে যাহা বলে,
 হ্রাসিতে বাণীর রূপ তব মনে জলে ;—
 ভেবেছিলুম, হায় ! দেখি, ভ্রান্তিভাব ধনি ।
 ডুবাইছ, দেখিতেছি, ক্রমে এই তরী
 অদয়ে, অতল দুঃখ-সাগরের জলে
 ডুবিবু ; কি বলঃ তব হবে বজ-স্থলে ?

দেবদানবীয়ম্

মহাকাব্য

প্রথম সর্গঃ

কাব্যে কথানি রচিবারে চাহি,
কহো কি ছন্দঃ পছন্দ, দেবি !
কহো কি ছন্দঃ মনানন্দ দেবে
মনীষবৃন্দে এ সুবঙ্গদেশে ?
তোমার বীণা দেহ মোর হাতে,
বাজাইয়া তায় যশস্বী হবো,
অমৃতরূপে তব কৃপাবারি
দেহো জননি গো, ঢালি এ পেটে ॥

জীবিতাবস্থায় অনাদৃত কবিগণের সম্বন্ধে

ইতিহাস এ কথা কাঁদিয়া সদা বলে,
জন্মভূমি ছেড়ে চল যাই পরদেশে ।
উরুপায় কবিগুরু ভিখারী আছিল
ওমর (অসভ্যকালে জন্ম তাঁর) যথা
অমৃত সাগরতলে । কেহ না বুঝিল
মূল্য সে মহামণির : কিন্তু যম যবে
গ্রাসিল কবির দেহ, কিছু কাল পরে
বাড়িল কলহ নানা নগরে ; কাঁহিল
এ নগর ও নগরে, “আমার উদরে
জনম গ্রহিয়াছিল। ওমর স্মৃতি ।”

আমাদের বাঙ্গালীকির এ দশা ; কে জানে,
কোন্ কুলে কোন্ স্থানে জন্মিলা স্মৃতি ।

পণ্ডিতবর

শ্রীযুক্ত ঈশ্বরচন্দ্র বিদ্যাসাগর

শুনেছি লোকের মুখে পীড়িত আপনি
হে ঈশ্বরচন্দ্র ! বঙ্গে বিধাতার বরে
বিজ্ঞার সাগর তুমি ; তব সম মগি,
মলিনতা কেন কহ চাকে তার করে ?
বিধির কি বিধি স্মরি, বুঝিতে না পারি,
হেন ফুলে কীট কেন পশিবারে পারে ?
করমনাশার শ্রোত অপবিত্র বারি
ঢালি জাহ্নবীর গুণ কি হেতু নিবারে ?
বঙ্গের সূচুড়ামগি করে হে তোমারে
সৃজিলা বিধাতা, তোমা জানে বঙ্গজনে ;
কোন্ পীড়ারূপ অরি বাণাঘাতে পারে
বিধিতে, হে বঙ্গরত্ন ; এ হেন রতনে ?
যে পীড়া ধনুক ধরি হেন বাণ হানে
(রাক্ষসের রূপ ধরি), বুঝিতে কি পারি,
বিদীর্ণ বঙ্গের ছিয়া সে নির্ঠুর বাণে ?
কবিপুত্র সহ মাতা কাঁদে বারম্বার ।

ছুরুহ শব্দ ও বাক্যাংশের ব্যাখ্যা

বর্ষাকাল :	পংক্তি ৩	রমণ—পুরুষ ।
হিমস্ফটু :	১	হিমস্ফের—হেমস্ফের (মধুসূদনের প্রয়োগ) ।
রিজিয়া :	২৩	সিন্ধুদেশে—সমুদ্রে ।
কবি মাতৃভাষা :		মধুসূদন-বিরচিত প্রথম চতুর্দশপদী কবিতা । ইহারই সংশোধিত রূপ “বঙ্গ-ভাষা” (‘চতুর্দশ- পদী কবিতাবলী’, ৩নং কবিতা) ।
আত্ম-বিলাপ :	১২	অশ্রু মুখে সন্তঃপাতি—জলের তোড়ে সন্ত সন্ত বিনাশশীল ।
	১৯	সাদে—সাধে ।
বঙ্গভূমির প্রতি :	২৫	তামরস—পদ্ম ।
দ্রৌপদীশ্রয়স্বর :	১৭	বিকচিত—বিকচ (মধুসূদনের প্রয়োগ) ।
	১৮	দ্বিতীয়—রামায়ণকার বাম্বীকি আদি-কবি বলিয়া মহাভারতকারকে মধুসূদন ‘দ্বিতীয় কমল’ বলিয়াছেন ।
সুভদ্রা-হরণ :	৩-১৫	দ্রৌপদীশ্রয়স্বরের প্রায় পুনরুক্তি ।
	২০	শ্রীবরদা—লক্ষ্মী ।
ময়ূর ও গৌরী :	৩০	কেশে—মস্তকে ।
অশ ও কুরঙ্গ :	৩৬	মৃগয়ী—ব্যাধ ।
	৫৪	সাদী—অধারোহী ।
দেবকৃষ্টি :	২৩	মেখলেন—মেখলার ছায় পরিবেষ্টন করেন ।
পুরুলিরা :	৫	সরস—সরোবর ।
কবির ধর্মপুত্র :	১১	তোলি—তুলিয়া ।
জীবিতাবন্দ্যাস...:	৪	ওমর—হোমার ।